



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

16.06.2022թ.

Ո Ր Ո Շ ՈՒ Մ

ՀՀ գնումների հետ կապված բողոքներ քննող անձի թիվ ՍՑ-ՆԳ-2022/228

Հայաստանի Հանրապետության գնումների հետ կապված բողոքներ քննող անձը՝ ի դեմս Գրիգոր Ներսիսյանի, ուսումնասիրելով Հայաստանի Հանրապետության ֆինանսների նախարարության 16.05.2022թ. թիվ 26/26-1/8808-2022 գրությամբ «Հոֆման» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգով ներկայացված հիմքերը, պարզեցի հետևյալը.

1. ՀՀ ֆինանսների նախարարության ներկայացրած փաստերը և պահանջը.

ՀՀ ֆինանսների նախարարությունը, ՀՀ տարածքային կառավարման և ենթակառուցվածքների նախարարության 06.05.2022թ. թիվ ԳՍ//11495-2022 գրության հիման վրա, 16.05.2022թ. թիվ 26/26-1/8808-2022 գրությամբ նախաձեռնել է «Հոֆման» ՍՊԸ-ին (հետայսու նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

2. «Հոֆման» ՍՊԸ-ի կողմից ներկայացված փաստարկները և դիրքորոշումը.

«Հոֆման» ՍՊԸ-ն Գնումների հետ կապված բողոքներ քննող անձին ուղղված գրությամբ հայտնել է հետևյալը.

«ՀՀ տարածքային կառավարման և ենթակառուցվածքային նախարարության (այսուհետ՝ Պատվիրատու) կողմից սույն թվականի ապրիլի 12-ին հրատապ բաց մրցույթ գնման ձևով հայտարարվել է «ՏԿԵՆ-ՀԲՄԱՇՁԲ-2022/01Շ» ծածկագրով ՀՀ միջպեսական և հանրապետական նշանակության ավտոճանապարհներին իրականացվող հորիզոնական և ուղեանցերի հենարանների ուղղաձիգ գծանշման աշխատանքների ձեռքբերման ընթացակարգով (այսուհետ՝ Ընթացակարգ): Ընթացակարգի 1-ին, 2-րդ, 3-րդ և 5-րդ չափաբաժիններին մասով մասնակցության հայտ է ներկայացրել «ՀՈՖՄԱՆ» ՍՊ ընկերությունը (ՀՎՀՀ 00495298, էլ հասցե՝ armeam. martirosyan84@gmail.com , հեռ. 099 00-00-94):

Ընթացակարգի հայտերի բացումը տեղի է ունեցել սույն թվականի ապրիլի 27-ին ժամը 15:00-ին: Պատվիրատուի կողմից 2022թ. մայիսի 2-ին գնումների պաշտոնական gnumner.am կայքում հրապարակվել է Ընթացակարգի հայտերի բացման նիստի արձանագրությունը, որի 5-րդ կետից հայտնի է դառնում որ Պատվիրատուի գնահատող հանձնաժողովը (այսուհետ՝ Հանձնաժողով) որոշել է, քանի որ «ՀՀՈՖՄԱՆ» ՍՊ ընկերության հայտում առկա է հրավերով սահմանված հայտի ապահովումը, սակայն մասնակիցը ՀՀ կառավարության 04.05.2017թ.-ի թիվ 526-Ն որոշմամբ հաստատված գնումների գործընթացի կազմակերպման կարգի 32-րդ կետի 1-ին ենթակետի «ե» պարբերությամբ սահմանված ժամկետում, այն է՝ մինչև հայտերի ներկայացման վերջնաժամկետը լրանալուն հաջորդող աշխատանքային օրվա ժամը 17:00-ն ուղեկցող գրությամբ հայտի ապահովման բնօրինակը չի ներկայացրել, որպիսի պայմաններում մասնակցի հայտը ենթակա է մերժման, հիմք ընդունելով կարգի 42-րդ կետով սահմանված պահանջները, այն է՝ մասնակցի հայտը գնահատվում է անբավարար և մերժվում է, եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացրել հայտի ապահովման բնօրինակը:

Միաժամանակ հանձնաժողովը արձանագրում է, որ «ՀՀՈՖՄԱՆ» ՍՊԸ-ի կողմից հայտով ներկայացված փաստաթղթերում առկա էլեկտրոնային թվային ստորագրությունը վավեր չէ, սակայն հաշվի առնելով այն հանգամանքը, որ անկախ վերոնշյալ խախտման արդյունքում մասնակցի կողմից արձանագրված անհամապատասխանությունը շտկելու /շտկում չներկայացնելով հանգամանքից, մասնակցի հայտը ենթակա է մերժման, ուստի հանձնաժողովի կողմից վերջինիցս շտկում պահանջելը դառնում է առարկայազուրկ:

Ելնելով վերոգրյալից, Հանձնաժողովը ղեկավարվելով վերոնշյալ իրավական և փաստական հիմքերով, որոշեց՝ «ՀՀՈՖՄԱՆ» ՍՊԸ-ի կողմից ներկայացված հայտը

ամբողջությամբ գնահատել անբավարար և մերժել»: Հաշվի առնելով վերոնշյալ արձանագրումները հայտնում ենք, որ Հանձնաժողովի կողմից կայացրած որոշումները չի համապատասխանում գնումների մասին ՀՀ օրենսդրությամբ սահմանված պահանջների հետևյալ հիմնավորմամբ. ՀՀ կառավարության 04.05.2017թ.-ի թիվ 526-Ն որոշմամբ հաստատված գնումների գործընթացի կազմակերպման կարգի (այսուհետ՝ Կարգ) 32-րդ կետի 11-րդ ենթակետի համաձայն «Տեղեկությունների (փաստաթղթերի) էլեկտրոնային եղանակով փոխանակման դեպքում դրանք ուղարկողը տեղեկությունները (փաստաթղթերը) հաստատում է էլեկտրոնային թվային ստորագրությամբ, իսկ հավաստագիրը՝ զետեղված «Նույնականացման քարտերի մասին» Հայաստանի Հանրապետության օրենքով սահմանված կարգով տրամադրված նույնականացման քարտում, կամ տեղեկությունները (փաստաթղթերը) ուղարկում է հաստատված բնօրինակ փաստաթղթից արտատպված (սկանավորված) տարբերակով: Գնման ընթացակարգն էլեկտրոնային գնումների համակարգի միջոցով կազմակերպված լինելու դեպքում Հայաստանի Հանրապետության ռեզիդենտ հանդիսացող մասնակիցները հայտում ներառվող՝ իրենց կողմից հաստատվող փաստաթղթերը հաստատում են էլեկտրոնային թվային ստորագրությամբ, իսկ Հայաստանի Հանրապետության ռեզիդենտ չհանդիսացող մասնակիցները՝ այդ փաստաթղթերը ներկայացնում են հաստատված բնօրինակ փաստաթղթից արտատպված (սկանավորված) տարբերակով»: Կարգի 32-րդ կետի 19-րդ կետի համաձայն «Եթե մասնակցի՝ հրավերով նախատեսված գնումներին մասնակցելու իրավունք ունենալու մասին հավաստումը որակվում է որպես իրականությանը չհամապատասխանող, կամ մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը կամ ընտրված մասնակիցը չի ներկայացնում որակավորման ապահովումը, ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում»: Կարգի 40-րդ կետի 4-րդ կետի համաձայն հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ Կարգի 41-րդ կետով ելիսատեսված դեպքի: Գնումն էլեկտրոնային համակարգով իրականացվելու դեպքում հիմք է ընդունվում համակարգում կցված՝ մասնակցի կողմից հաստատված գնային առաջարկը, իսկ 41-րդ կետի համաձայն «Եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ հրավերի պահանջների նկատմամբ ներառյալ այն դեպքերը, երբ հայտում ներառված

Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելու մինչև կասեցման ժամկետի ավարտը շտկել անհամապատասխանությունը: Եթե անհամապատասխանությունն արձանագրվել է ՀՀ պետական եկամուտների կոմիտեից ստացված տեղեկատվության հիման վրա, ապա մասնակցին ուղարկվող ծանուցմանը կցվում է նաև կոմիտեից ստացված տեղեկատվության բնօրինակից սկանավորված տարբերակը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները»:

Գնման ընթացակարգն էլեկտրոնային գնումների համակարգի միջոցով կազմակերպված լինելու դեպքում Հայաստանի Հանրապետության ռեզիդենտ հանդիսացող մասնակիցները հայտում ներառվող փաստաթղթերը հաստատում են էլեկտրոնային թվային ստորագրությամբ: Ընդ որում կարգի 41-րդ կետը ուղղակիորեն սահմանում է արձանագրված անհամապատասխանությունները շտկելու անթույլատրելիություն հայտում ներառվող միայն գնային առաջարկի համար՝ այն էլ որոշ բացառություններով: Սույն կետի իմաստից բխում է, որ մնացած բոլոր դեպքերում հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

ՀՀ կառավարության 04.05.2017թ.-ի թիվ 526-Ն որոշմամբ հաստատված գնումների գործընթացի կազմակերպման կարգի 41-րդ կետը ուղղակիորեն սահմանում է արձանագրված անհամապատասխանությունը շտկելու անթույլատրելիություն՝ հայտում ներառվող միայն գնային առաջարկի համար, այն էլ որոշ բացառություններով: Սույն կետի իմաստից բխում է, որ մնացած բոլոր դեպքերում հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը, ինչը չի իրականացվել Պատվիրատուի կողմից: Հանձնաժողովը իրավունք չունի մերժելու մասնակցի կողմից ներկայացված հայտը նաև այն հիմնավորմամբ, որ ինչպես արձանագրվել է Ընթացակարգի գնահատող հանձնաժողովի կողմից Մասնակցի ներկայացված հայտի փաստաթղթերի էլեկտրոնային թվային ստորագրությունը, որը հաստատվել է լիազորված

անձի միջոցով, վավեր չի եղել: Միաժամանակ փաստում ենք, որ հայտով ներկայացրած լիազորագիրը, որով լիազորված անձին տրված է եղել իրավունք հաստատելու փաստաթղթերը էլեկտրոնային թվային ստորագրությամբ, հաստատված է եղել միայն մասնակցի տնօրենի կողմից և համակարգ է ներբեռնվել արտատպված (սկանավորված) տարբերակով, որը հաստատված չի եղել էլեկտրոնային թվային ստորագրությամբ: Էլեկտրոնային թվային ստորագրությամբ որպես հայտի փաստաթուղթ հաստատված չի եղել նաև հայտի ապահովման պատճենը: Նման պայմաններում հայտը էլեկտրոնային թվային ստորագրությամբ հաստատած Արմեն Մարտիրոսյանը չի ունեցել որևէ իրավունք՝ հայտը ստորագրելու և ներկայացնելու համար, այսինքն Մասնակիցը գնման գործընթացի շրջանակներում չի ստանձնել որևէ պարտավորություն, որի առկայության պայմաններում է միայն հնարավոր փաստել վերջինիս կողմից պարտավորության խախտմամբ կատարված լինելու կամ չկատարելու հանգամանքի առկայության մասին, իսկ հայտի ապահովումը և լիազորագիրը ենթակա են շտկման: Միաժամանակ հայտնում ենք, որ Մասնակցի կողմից հայտը գնումների էլեկտրոնային armeps.am համակարգի միջոցով ներկայացրել է 2022թ. ապրիլի 26-ին ժամը 16:24-ին (կցվում է համակարգից արտատպված հայտի ներկայացման ժամկետը), իսկ հայտերի բացումը տեղի է ունեցել 2022թ. ապրիլի 27-ին ժամը 15:00-ին: Հատկանշական է այն հանգամանքը, որ Ընթացակարգի հայտերի բնացման և գնահատման նիստը, որի վերաբերյալ կազմված արձանագրությունը գնումների պաշտոնական gnumner.am կայքում հրապարակվել է 2022թ. մայիսի 2-ին ժամը 18:19-ին, տեղի է ունեցել 2022թ. ապրիլի 27-ին ժամը 15:00-ին, որում արձանագրվել է, որ Մասնակիցը մինչև հաջորդ օր՝ այսինքն 2022թ. ապրիլի 28-ին ժամը 17:00-ին, Պատվիրատուին չի ներկայացրել հայտի ապահովման բնօրինակը, այսինքն Պատվիրատուն հայտի ապահովման բնօրինակը ներկայացնելուց մեկ օր առաջ արձանագրել է դրա չներկայացնելու հանգամանքը և նույն արձանագրությամբ ֆիքսել, որ հանձնաժողովը նման որոշումը կայացրել է 2022թ. ապրիլի 29-ին: Այսինքն հանձնաժողովը ապրիլի 27-ին հրավիրված նիստում որոշում է կայացրել ապրիլի 28-ին կատարվելիք գործողությունների լինել չլինելու վերաբերյալ: Հիմք ընդունելով վերոնշյալ փաստական և իրավական հանքամանքները՝ հայտնում ենք, որ հանձնաժողովը իրավունք չունի մերժելու մասնակցի կողմից ներկայացված հայտը այն հիմնավորմամբ, որ ինչպես արձանագրվել է հանձնաժողովի կողմից մասնակցի կողմից գնումների էլեկտրոնային armeps.am համակարգի միջոցով ներկայացված հայտի փաստաթղթերի էլեկտրոնային թվային ստորագրությունը, որը հաստատվել է լիազորված անձի միջոցով, վավեր չի եղել:

Միաժամանակ փաստում ենք, որ հայտով ներկայացրած լիազորագիրը, որով լիազորված անձին տրված է եղել իրավունք հաստատելու փաստաթղթերը էլեկտրոնային թվային ստորագրությամբ, հաստատված է եղել միայն մասնակցի տնօրենի կողմից և համակարգ է ներբեռնվել սկանավորված տարբերակով, որը հաստատված չի եղել էլեկտրոնային թվային ստորագրությամբ: Էլեկտրոնային թվային ստորագրությամբ որպես հայտի փաստաթուղթ հաստատված չի եղել նաև հայտի ապահովման պատճենը: Այսինքն նման պայմաններում հայտը էլեկտրոնային թվային ստորագրությամբ հաստատած Արմեն Մարտիրոսյանը չի ունեցել որևէ իրավունք հայտը ստորագրելու համար, այսինքն Մասնակիցը գնման գործընթացի շրջանակներում չի ստանձնել որևէ պարտավորություն, որի առկայության պամաններում է միայն հնարավոր փաստել վերջինիս կողմից պարտավորության խախտմամբ կատարված լինելու կամ չկատարելու հանգամանքի առկայության մասին, իսկ հայտի ապահովումը և լիազորագիրը ենթակա են շտկման: Հայտի ապահովման բնօրինակը գնահատող հանձնաժողովին չի ներկայացվել մինչև հայտերի ներկայացման վերջնաժամկետը լրանալուն հաջորդող աշխատանքային օրվա երևանի ժամանակով 17:00-ն՝ այն հիմնավորմամբ, որ Պատվիրատուն պետք է առաջնորդվեր վերոնշյալ իրավական կարգավորումներով և Մասնակցին էլեկտրոնային եղանակով ծանուցեր՝ մեկ աշխատանքային օրվա ընթացքում շտկելու նշված անհամապատասխանությունները, որի հետ միասին մասնակցի կողմից Պատվիրատուին կներկայացվեր նաև հայտի ապահովման բնօրինակը: Նշված պայմաններում Պատվիրատուն չի ապահովել գնումների մասին ՀՀ օրենսդրությամբ սահմանված նորմերը և Մասնակցի հայտը անհիմն կերպով մերժել է, ուստի խնդրում ենք չբավարարել Պատվիրատուի կողմից ներկայացված գրությունը և «ՀՈՖՄԱՆ» ՍՊ ընկերությանը չընդգրկել գնումների գործընթացին մասնակցելու իրավունք չունեցող մասնակիցների ցուցակում»:

«Հոֆման» ՍՊԸ-ն, պատշաճ ծանուցված լինելով ՍՅ-ՆԳ-2022/228 ընթացակարգի շրջանակներում 07.06.2022թ. ժամը 10:43-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

3. ՀՀ տարածքային կառավարման և ենթակառուցվածքների նախարարության կողմից ներկայացված փաստարկները և դիրքորոշումը.

ՀՀ տարածքային կառավարման և ենթակառուցվածքների նախարարության կողմից (հետայսու նաև՝ Պատվիրատու) ՀՀ ֆինանսների նախարարությանն ուղղված 06.05.2022թ. թիվ ԳՍ//11495-2022 գրությամբ հայտնել է հետևյալը.

«ՀՀ տարածքային կառավարման և ենթակառուցվածքների նախարարության կարիքների համար ՀՀ միջպետական և հանրապետական նշանակության ավտոճանապարհներին իրականացվող հորիզոնական և ուղեանցերի հենարանների ուղղաձիգ գծանշման աշխատանքների ձեռքբերման նպատակով կազմակերպվել է ՏԿԵՆ-ՀԲՄԱՇՁԲ-2022/01Շ ծածկագրով գնման ընթացակարգ, որի արդյունքում «ՀՈՖՄԱՆ» ՍՊԸ-ի կողմից ներկայացված հայտում առկա է հրավերով սահմանված հայտի ապահովումը, սակայն մասնակիցը ՀՀ կառավարության 04.05.2017թ.-ի թիվ 526-Ն որոշմամբ հաստատված գնումների գործընթացի կազմակերպման կարգի 32-րդ կետի 1-ին ենթակետի «ե» պարբերությամբ սահմանված ժամկետում ուղեկցող գրությամբ հայտի ապահովման բնօրինակը չի ներկայացրել:

Վերոգրյալով պայմանավորված՝ ՏԿԵՆ-ՀԲՄԱՇՁԲ-2022/01Շ ծածկագրով գնման ընթացակարգի գնահատող հանձնաժողովի սույն թվականի ապրիլի 27-ի որոշմամբ «ՀՈՖՄԱՆ» ՍՊԸ-ի կողմից ներկայացված հայտը մերժվել է:

Հիմք ընդունելով ՀՀ կառավարության 2017 թվականի մայիսի 4-ի N 526-Ն որոշմամբ հաստատված գնումների գործընթացի կազմակերպման կարգի 45-րդ կետը՝ ներկայացվում են համապատասխան հիմնավորող փաստաթղթերը»:

Պատվիրատուն, պատշաճ ծանուցված լինելով ՍՑ-ՆԳ-2022/228 ընթացակարգի շրջանակներում 07.06.2022թ. ժամը 10:43-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

4. ՍՑ-ՆԳ-2022/228 ընթացակարգի քննության համար էական նշանակություն ունեցող փաստերը.

ՍՑ-ՆԳ-2022/228 ընթացակարգի քննության համար էական նշանակություն ունեն հետևյալ փաստերը.

1. ՀՀ տարածքային կառավարման և ենթակառուցվածքների նախարարության կարիքների համար ՀՀ միջպետական և հանրապետական նշանակության ավտոճանապարհներին իրականացվող հորիզոնական և ուղեանցերի հենարանների ուղղաձիգ գծանշման աշխատանքների ձեռքբերման նպատակով հայտարարվել է «ՏԿԵՆ-

ՀԲՄԱՇՁԲ-2022/01Շ» ծածկագրով հրատապ բաց մրցույթ (հետայսու նաև՝ Ընթացակարգ), որին մասնակցելու նպատակով 26.04.2022թ. հայտ է ներկայացրել «Հոֆման» ՍՊԸ-ն:

2. Ընթացակարգին հայտերի ներկայացման վերջնաժամկետ է սահմանվել մինչև 27.04.2022թ.՝ ժամը 15:00:00 ներառյալ:

3. Ընթացակարգի գնահատող հանձնաժողովի 27.04.2022թ. նիստի թիվ 2 արձանագրության համաձայն՝ գնահատող հանձնաժողովն արձանագրել է, որ «Հոֆման» ՍՊԸ-ի կողմից էլեկտրոնային ձևով ներկայացված փաթեթում առկա փաստաթղթերը կազմված են հրավերով սահմանված պահանջներին համապատասխան:

4. Նույն արձանագրության համաձայն՝ գնահատող հանձնաժողովը 29.04.2022թ. հրավիրված նիստի ընթացքում արձանագրել է, որ «Հոֆման» ՍՊԸ-ի կողմից ներկայացված հայտում առկա է հրավերով սահմանված հայտի ապահովումը, սակայն Ընկերությունը ՀՀ կառավարության 04.05.2017թ. 526-Ն որոշմամբ հաստատված գնումների գործընթացի կազմակերպման կարգի 32-րդ կետի 1-ին ենթակետի «ե» պարբերությամբ սահմանված ժամկետում, այն է՝ մինչև հայտերի ներկայացման վերջնաժամկետը լրանալուն հաջորդող աշխատանքային օրվա Երևանի ժամանակով 17:00-ն՝ ուղեկցող գրությամբ հայտի ապահովման բնօրինակը չի ներկայացվել, որպիսի պայմաններում մասնակցի հայտը ենթակա է մերժման՝ հիմք ընդունելով վերոնշյալ կարգի 42-րդ կետով սահմանված պահանջները, այն է՝ մասնակցի հայտը գնահատվում է անբավարար և մերժվում է, եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը:

5. Միևնույն ժամանակ, Ընթացակարգի գնահատող հանձնաժողովն արձանագրել է, որ «ՀՈՖՄԱՆ» ՍՊԸ-ի կողմից հայտով ներկայացված փաստաթղթերում առկա էլեկտրոնային թվային ստորագրությունը վավեր չէ, սակայն, հաշվի առնելով այն հանգամանքը, որ անկախ վերոնշյալ խախտման արդյունքում մասնակցի կողմից արձանագրված անհամապատասխանությունը շտկելու /շտկում ներկայացնելու/ հանգամանքից, մասնակցի հայտը ենթակա է մերժման, ուստի Հանձնաժողովի կողմից վերջինիցս շտկում պահանջելը դառնում է առարկայազուրկ և որոշում կայացրել Ընկերության հայտն անբավարար գնահատելու և մերժելու վերաբերյալ:

6. Պատվիրատուն, 26.05.2022թ. թիվ ԱԵ/13346-2022 գրությամբ, Գնումների հետ կապված բողոքներ քննող անձին է ներկայացրել «Էլեկտրոնային կառավարման և ենթակառուցվածքների ներդրման գրասենյակ» ՓԲԸ-ի (հետայսու՝ նաև «ԷԿԵՆԳ» ՓԲԸ)

կողմից Պատվիրատուի գրությանն ի պատասխան ներկայացված գրությունը, համաձայն որի՝ «ԷԿԵՆԳ» ՓԲԸ-ն հայտնել է, որ «Հոֆման» ՍՊԸ-ի կողմից ներկայացված փաստաթուղթը պարունակում է վավեր էլեկտրոնային ստորագրություն:

5. ՀՀ գնումների հետ կապված բողոքներ քննող անձի հիմնավորումները և եզրահանգումը.

ՀՀ գնումների հետ կապված բողոքներ քննող անձ Գրիգոր Ներսիսյանս, ուսումնասիրելով ՀՀ ֆինանսների նախարարության 16.05.2022թ. թիվ 26/26-1/8808-2022 գրությունը, ՀՀ տարածքային կառավարման և ենթակառուցվածքների նախարարության 06.05.2022թ. թիվ ԳՍ//11495-2022 և 26.05.2022թ. թիվ ԱԵ/13346-2022 գրություններն ու կից փաստաթղթերը, հայտնում են հետևյալը.

«Գնումների մասին» ՀՀ օրենքի (հետայսու նաև՝ Օրենք) 6-րդ հոդվածի 1-ին մասի 6-րդ կետի համաձայն՝ բացառությամբ սույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. **խախտել է** պայմանագրով նախատեսված կամ **գնման գործընթացի շրջանակում ստանձնած պարտավորությունը, որը հանգեցրել է** պատվիրատուի կողմից պայմանագրի միակողմանի լուծմանը կամ **գնման գործընթացին տվյալ մասնակցի հետագա մասնակցության դադարեցմանը,**

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Օրենքի 6-րդ հոդվածի 2-րդ մասը սահմանում է, որ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում գնումների հետ կապված բողոքներ քննող մարմնում՝ առանց վճարի: Տվյալ մասնակցի կարծիքը լսելուց հետո գնումների հետ կապված բողոքներ քննող անձը սույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին սույն հոդվածով նախատեսված

ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Օրենքի 32-րդ հոդվածի 1-ին մասի համաձայն՝ **մասնակիցը հայտով՝ հրավերով սահմանված պահանջով ներկայացնում է հայտի ապահովում, որի չափը հավասար է հայտով առաջարկվող գնի մինչև հինգ տոկոսին: Հայտի ապահովումը ներկայացվում է միակողմանի հաստատված հայտարարության՝ փուժանքի կամ բանկային երաշխիքի կամ կանխիկ փողի ձևով: Կանխիկ փողի ձևով ներկայացված հայտի ապահովումը պահվում է լիազոր մարմնի անվամբ բացված գանձապետական հաշվում:**

ՀՀ կառավարության 2017 թվականի մայիսի 4-ի թիվ 526-Ն որոշմամբ հաստատված «Գնումների գործընթացի կազմակերպման մասին» կարգի (հետայսու նաև՝ Կարգ) 32-րդ կետի 1-ին ենթակետի ե) պարբերության համաձայն՝ **հրավերով նախատեսվում է նաև, որ՝ մասնակիցը հայտով ներկայացնում է՝ հրավերով նախատեսված դեպքերում հայտի ապահովում:** Եթե հայտի ապահովումը ներկայացվում է բանկային երաշխիքի ձևով, ապա գնման ընթացակարգն էլեկտրոնային եղանակով կազմակերպված լինելու դեպքում ներկայացվում է երաշխիքի բնօրինակից արտատպված (սկանավորված) տարբերակը՝ պայմանով, որ դրա բնօրինակը գնահատող հանձնաժողովին ներկայացնում է մինչև հայտերի ներկայացման վերջնաժամկետը լրանալուն հաջորդող աշխատանքային օրվա երևանի ժամանակով 17:00-ն՝ ուղեկցող գրությամբ:

Կարգի 32-րդ կետի 19-րդ ենթակետի համաձայն՝ հրավերով նախատեսվում է նաև, որ եթե մասնակցի՝ հրավերով նախատեսված գնումներին մասնակցելու իրավունք ունենալու մասին հավաստումը որակվում է որպես իրականությանը չհամապատասխանող, կամ **մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը** կամ ընտրված մասնակիցը չի ներկայացնում որակավորման ապահովումը, **ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում:**

Կարգի 40-րդ կետի 4-րդ ենթակետի համաձայն՝ **հայտերի բացման և գնահատման նիստում հանձնաժողովը մերժում է այն հայտերը,** որոնցում բացակայում է գնային առաջարկը, կամ **եթե այն ներկայացված է հրավերի պահանջներին անհամապատասխան,** բացառությամբ սույն կարգի 41-րդ կետով նախատեսված դեպքի: Գնումն էլեկտրոնային համակարգով իրականացվելու դեպքում հիմք է ընդունվում համակարգում կցված՝ մասնակցի կողմից հաստատված գնային առաջարկը:

Կարգի 42-րդ կետի համաձայն՝ եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: **Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը,** իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Այսպես, ՀՀ տարածքային կառավարման և ենթակառուցվածքների նախարարության կարիքների համար ՀՀ միջպետական և հանրապետական նշանակության ավտոճանապարհներին իրականացվող հորիզոնական և ուղեանցերի հենարանների ուղղաձիգ գծանշման աշխատանքների ձեռքբերման նպատակով հայտարարվել է «ՏԿԵՆ-ՀԲՄԱՇՁԲ-2022/01Շ» ծածկագրով հրատապ բաց մրցույթ, որին մասնակցելու նպատակով 26.04.2022թ. հայտ է ներկայացրել «Հոֆման» ՍՊԸ-ն:

Ընթացակարգին հայտերի ներկայացման վերջնաժամկետ է սահմանվել մինչև 27.04.2022թ.՝ ժամը 15:00:00 ներառյալ:

Ընթացակարգի գնահատող հանձնաժողովի 27.04.2022թ. նիստի թիվ 2 արձանագրության համաձայն՝ Ընթացակարգի գնահատող հանձնաժողովն արձանագրել է, որ «Հոֆման» ՍՊԸ-ի կողմից էլեկտրոնային ձևով ներկայացված փաթեթում առկա փաստաթղթերը կազմված են հրավերով սահմանված պահանջներին համապատասխան:

Նույն արձանագրության համաձայն՝ Ընթացակարգի գնահատող հանձնաժողովը 29.04.2022թ. հրավիրված նիստի ընթացքում արձանագրել է, որ «Հոֆման» ՍՊԸ-ի կողմից ներկայացված հայտում առկա է հրավերով սահմանված հայտի ապահովումը, սակայն Ընկերությունը ՀՀ կառավարության 04.05.2017թ. 526-Ն որոշմամբ հաստատված գնումների գործընթացի կազմակերպման կարգի 32-րդ կետի 1-ին ենթակետի «ե» պարբերությամբ սահմանված ժամկետում, այն է՝ մինչև հայտերի ներկայացման վերջնաժամկետը լրանալուն հաջորդող աշխատանքային օրվա Երևանի ժամանակով 17:00-ն՝ ուղեկցող գրությամբ հայտի ապահովման բնօրինակը չի ներկայացվել, որպիսի պայմաններում մասնակցի հայտը ենթակա է մերժման՝ հիմք ընդունելով վերոնշյալ կարգի 42-րդ կետով սահմանված պահանջները, այն է՝ մասնակցի հայտը գնահատվում է անբավարար և մերժվում է, եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը:

Միևնույն ժամանակ, Ընթացակարգի գնահատող հանձնաժողովն արձանագրել է, որ «ՀՌՖՄԱՆ» ՍՊԸ-ի կողմից հայտով ներկայացված փաստաթղթերում առկա էլեկտրոնային թվային ստորագրությունը վավեր չէ, սակայն, հաշվի առնելով այն հանգամանքը, որ անկախ վերոնշյալ խախտման արդյունքում մասնակցի կողմից արձանագրված անհամապատասխանությունը շտկելու /շտկում ներկայացնելու/ հանգամանքից, մասնակցի հայտը ենթակա է մերժման, ուստի Հանձնաժողովի կողմից վերջինիցս շտկում պահանջելը դառնում է առարկայազուրկ և որոշում կայացրել Ընկերության հայտն անբավարար գնահատելու և մերժելու վերաբերյալ:

Պատվիրատուն, 26.05.2022թ. թիվ ԱԵ/13346-2022 գրությամբ, Գնումների հետ կապված բողոքներ քննող անձին է ներկայացրել «ԷԿԵՆԳ» ՓԲԸ-ի կողմից Պատվիրատուի գրությանն ի պատասխան ներկայացված գրությունը, համաձայն որի՝ «ԷԿԵՆԳ» ՓԲԸ-ն հայտնել է, որ «Հոֆման» ՍՊԸ-ի կողմից ներկայացված փաստաթուղթը պարունակում է վավեր էլեկտրոնային ստորագրություն:

Կարգի 32-րդ կետի 1-ին ենթակետի ե) պարբերության համաձայն՝ **հրավերով նախատեսվում է նաև, որ՝ մասնակիցը հայտով ներկայացնում է՝ հրավերով նախատեսված դեպքերում հայտի ապահովում:** Եթե հայտի ապահովումը ներկայացվում է բանկային երաշխիքի ձևով, ապա գնման ընթացակարգն էլեկտրոնային եղանակով կազմակերպված լինելու դեպքում ներկայացվում է երաշխիքի բնօրինակից արտատպված (սկանավորված) տարբերակը՝ պայմանով, **որ դրա բնօրինակը գնահատող հանձնաժողովին ներկայացնում է մինչև հայտերի ներկայացման վերջնաժամկետը լրանալուն հաջորդող աշխատանքային օրվա Երևանի ժամանակով 17:00-ն՝ ուղեկցող գրությամբ:**

Կարգի 32-րդ կետի 19-րդ ենթակետի համաձայն՝ եթե **մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը** կամ ընտրված մասնակիցը չի ներկայացնում որակավորման ապահովումը, **ապա այդ հանգամանքը համարվում է որպես գնման գործընթացի շրջանակում սրանձնված պարտավորության խախտում:**

Ընդ որում՝ Կարգի 42-րդ կետի համաձայն՝ եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: **Հակառակ դեպքում փվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում**

հայրի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Այսպիսով՝ արձանագրում եմ, որ Ընկերությունը Կարգի 32-րդ կետի 1-ին ենթակետի ե) պարբերության համաձայն՝ **մինչև հայրերի ներկայացման վերջնաժամկետը լրանալուն հաջորդող աշխատանքային օրվա երևանի ժամանակով 17:00-ն՝ ուղեկցող գրությամբ** չի ներկայացրել հայրի ապահովման բնօրինակը, որպիսի պայմաններում թույլ է տվել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետով նախատեսված խախտում, ուստի առկա են Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու հիմքերը:

Ինչ վերաբերում է Ընկերության կողմից ներկայացված դիրքորոշմամբ վկայակոչված այն հանգամանքին, որ ՀՀ կառավարության 04.05.2017թ.-ի թիվ 526-Ն որոշմամբ հաստատված գնումների գործընթացի կազմակերպման կարգի 41-րդ կետը ուղղակիորեն սահմանում է արձանագրված անհամապատասխանությունը շտկելու անթույլատրելիություն՝ հայտում ներառվող միայն գնային առաջարկի համար, այն էլ որոշ բացառություններով: Սույն կետի իմաստից բխում է, որ մնացած բոլոր դեպքերում հանձնաժողովը մեկ աշխատանքային օրով կասեցնում է նիստը, իսկ հանձնաժողովի քատրուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը, ինչը չի իրականացվել Պատվիրատուի կողմից, հարկ եմ համարում ևս մեկ անգամ ընդգծել որ Պատվիրատուն, 26.05.2022թ. թիվ ԱԵ/13346-2022 գրությամբ, Գնումների հետ կապված բողոքներ քննող անձին է ներկայացրել «ԷԿԵՆԳ» ՓԲԸ-ի կողմից Պատվիրատուի գրությանն ի պատասխան ներկայացված գրությունը, համաձայն որի՝ «ԷԿԵՆԳ» ՓԲԸ-ն հայտնել է, որ «Հոֆման» ՍՊԸ-ի կողմից ներկայացված փաստաթուղթը պարունակում է վավեր էլեկտրոնային ստորագրություն, հետևաբար արձանագրում եմ, որ Ընկերության կողմից էլեկտրոնային ձևով ներկայացված հայտում առկա փաստաթղթերը կազմված են եղել Ընթացակարգի հրավերով սահմանված պահանջներին համապատասխան, ուստի նման պայմաններում Ընթացակարգի գնահատող հանձնաժողովի գործողությունների վերաբերյալ Կարգի 41-րդ կետի կիրառման մասով Ընկերության կողմից հայտնած դիրքորոշման քննարկումը ՀՀ գնումների հետ կապված բողոքներ քննող անձի կողմից դառնում է առարկայազուրկ:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի 2-րդ կետով՝

Ո Ր Ո Շ Ե Ց Ի

Հայաստանի Հանրապետության ֆինանսների նախարարության 16.05.2022թ. թիվ 26/26-1/8808-2022 գրությամբ «Հոֆման» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը բավարարել և Ընկերությանն ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների հետ կապված բողոքներ քննող անձի որոշումն ուժի մեջ մտնելու օրվանից հաշված երկու տարի ժամկետով:

ՀՀ գնումների հետ կապված բողոքներ քննող անձի որոշումն իրավապարտադիր է և ուժի մեջ է մտնում տեղեկագրում հրապարակվելու հաջորդ օրը:

ՀՀ գնումների հետ կապված բողոքներ քննող անձի որոշումը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**Գնումների հետ կապված
բողոքներ քննող անձ՝**



ԳՐԻԳՈՐ ՆԵՐՍԻՍՅԱՆ